



Broj: 12/08-27-17678-10/17
Zenica, 18.04.2018. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-17678-9/17 od 18.04.2018. godine, u otvorenom postupku javne nabavke za radove broj: 1417-1-3-23-3-21/17 od 21.12.2017. godine, direktor Kantonalne direkcije za ceste Zeničko-dobojskog kantona, donosi:

ODLUKU
o izboru najpovoljnijeg ponuđača

I

U otvorenom postupku javne nabavke radova za LOT 1 – Sanacija klizišta na regionalnoj cesti R 444 na dionici Vareš-Podkamensko u naselju Ljepovići, izgradnja armirano betonskog zida dužine 30,00 m, ponuda ponuđača „POROBIĆ“ d.o.o. Zavidovići (broj: 02-03/18 od 05.03.2018. godine) sa ukupno ponuđenom cijenom od 51.000,75 KM bez PDV-a, utvrđenom po provedenom postupku E-aukcije, izabrana je kao najpovoljnija.

II

Ponuđač „POROBIĆ“ d.o.o. Zavidovići (ID broj: 4218228760005), adresa Radnička bb, Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda ponuđača „TERMO-BETON“ d.o.o. Breza se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda grupe ponuđača BBM d.o.o. Sarajevo i CESTOTEHNIK d.o.o. Tuzla se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su udestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedeno sa zapisnikom o ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-27-17678/17 od 21.12.2017. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-23-3-21/17 objavljeno je na Portalu javnih nabavki 21.12.2017. godine.



Komisija za javne nabavke imenovana rješenjem broj: 12/08-27-17678-3/17 od 03.03.2018. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda za LOT-1 pristiglo je ukupno 7 (sedam) ponuda.

U postupku pregleda i ocjene pristiglih ponuda, Komisija je konstatovala da:

Ponuda ponuđača „TERMO-BETON“ d.o.o. Breza dostavljena za LOT-1 se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije. Uvidom u obrazac za cijenu ponude za LOT-1, Komisija je konstatovala da ponuđač na pozicijama pod rednim brojem 1., 2., 3. i 4. nije upisao jedinične cijene.

Naime, tačkom 19.1. tenderske dokumentacije je propisano da je ponuđač dužan ponuditi jediničnu cijenu za svaku pojedinu stavku predmjera radova (Obrazac za cijenu ponude), dok je tačkom 19.5. tenderske dokumentacije propisano da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Takođe, tačkom 39.2. tenderske dokumentacije je propisano da se jedinična cijena stavke ne smatra računskom greškom te se ne može ispravljati.

Zbog navedenog ponuda ponuđača „TERMO-BETON“ d.o.o. Breza dostavljena za LOT-1 se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda grupe ponuđača „BBM“ d.o.o. Sarajevo i „CESTOTEHNIK“ d.o.o. Tuzla dostavljena za LOT-1 se odbacuje jer dostavljeni dokumenti za ocjenu tehničke i profesionalne sposobnosti po sadržaju ne odgovaraju uslovima iz tačke 12.6. tenderske dokumentacije. Naime, navedenom tačkom propisano je da ponuđači trebaju ispuniti sljedeće minimalne uslove:

- Za LOT-1 uspješno iskustvo u realizaciji 1 (jednog) ugovora minimalne vrijednosti 140.000,00

KM za radove na sanaciji klizišta u posljednje tri godine (2015., 2016. i 2017.godina).

Grupa ponuđača „BBM“ d.o.o. Sarajevo i „CESTOTEHNIK“ d.o.o. Tuzla ovaj uslov nije dokazala obzirom da u dostavljenom spisku izvršenih ugovora i potvrdama naručioca nije naveden niti jedan ugovor koji se odnosi na radove sanacije klizišta u posljednje tri godine (2015., 2016. i 2017.godina) minimalne vrijednosti 140.000,00 KM. U ponudi je kao dokaz dostavljena potvrda broj: 11-44-873/2015 od 09.11.2015. godine izdata od Službe civilne zaštite Grada Tuzle za radove sanacije klizišta iz 2014. godine, kao i potvrda Službe civilne zaštite Grada Tuzle broj: 11-14-58/18 od 02.02.2018. godine gdje niti jedan ugovor nije minimalne vrijednosti 140.000,00 KM. Iz dostavljene potvrde broj: 05-03/11-23-SL/17 od Službe za komunalne poslove, izgradnju i poslove mjesnih zajednica Grada Tuzle, vidljivo je da se radovi odnose na sanacije prekopa, ulica i puteva a ne na sanaciju klizišta a što nije u skladu sa zahtjevima iz tačke 12.6. i tačke 12.7. tenderske dokumentacije.

Zbog navedenog ponuda grupe ponuđača „BBM“ d.o.o. Sarajevo i „CESTOTEHNIK“ d.o.o. Tuzla dostavljena za LOT-1 se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila da ponude ponuđača „HAJDIC“ d.o.o. Maglaj, „TRGOŠPED“ d.o.o. Kakanj, „ŠPIC BETON“ d.o.o. Zenica, „JATA GROUP“ d.o.o. Srebrenik i „POROBIĆ“ d.o.o. Zavidovići ispunjavaju sve postavljene uslove, te je za 13.04.2018. godine zakazano provođenje E-aukcije sa početkom u 13:30 sati. E-Aukcija je uspješno okončana te je formirana konačna rang lista ponuđača prema izvještaju o toku i završetku E-aukcije.

U skladu sa tačkom 23. tenderske dokumentacije, i nakon sprovedene E-aukcije a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a
1.	POROBIĆ d.o.o. Zavidovići	51.000,75
2.	HAJDIC d.o.o. Maglaj	52.000,00
3.	ŠPIC BETON d.o.o. Zenica	70.800,00
4.	JATA GROUP d.o.o. Srebrenik	170.468,66
5.	TRGOŠPED d.o.o. Kakanj	170.939,15

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „POROBIĆ“ d.o.o. Zavidovići. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor sanacije klizišta na regionalnoj cesti R 444 na dionici Vareš-Podkamensko u naselju Ljepovići, izgradnja armirano betonskog zida dužine 30,00 m.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Ponuđačima,
1 x a/a

